



Uunga siunnersuut: Nukissamik pilersuineq pillugu Inatsisartut peqqussutaata allangortinneqarnissaa pillugu Inatsisartut inatsisaat nr. xx, xx. xxx 2019-imeersoq. (Innaallagiamik aamma ungasianiik pilersuineq pillugu sullissinissamut isumaqatigiissuteqarneq)

(Inuusutissarsiornermut Nukissiuuteqarnermut Ilisimatusarnermullu Naalakkersuisoq)
(Siullermeerneqarnera)

Aallaqqaasiullugu Demokraatinit oqareersinnaavugut inatsisissatut siunnersuut akuerinnginnatsigu, aammalu pisartakkanik eqiterinermik sakkortusaaneq akuerinnginnatsigu. Pisartakkanik eqiterineq innuttaasunut ataasiakkaanut avatangiisimik mianerisalinnut nammineerlutik iluarsuissutinik nassaarniarnissaanut akornusiisussaallunilu, immikkoortorta qarfiup naammassisaqarluarsinnaanera pitsaanngorsarnagu nakussatsinneqaannarnissaanik kinguneqartitsisussaalluni.

Inatsisissatut siunnersuutip pisortat inissisimanerat nakussatsinneqarnissaanut aallarniivoq, inuiaqatigiittunngooq ataasiinnarmik pilersuisoqalerutta akikinnerulissammat, uffali imaattussaangaluartoq innuttaasut ataasiakkaat nammineerlutik nukissamik ataavartumik soorlu seqernup imaluunniit erngup nukiganik pilersorsinnaatitaasussaangaluartut.

Inunnut ataasiakkaanut akisuninngortitsisussamik pisortat inissisimaneranut nakussassaaneq Demokraatit akerleraat, taamaalillunilu nukissamik pilersuineri immikkoortorta qarfiup arlalinnik biiliutilik, ATV-utilik, snescooterit umiatsiallu millionilikkaanik akilinnik pigisaqartumut iluatatsitsineq akerleralugu.

Massakkorpiaq Nukissiorfimmi ingerlatsinermut aningaasartuutit isigilertariaqarpagut, paasiniallugulu Nukissiorfiit ullumikkutut isikkoqaannassanersut. Immikkoortorta qarfik namminersortut ulluinnarni atugassaminnik imminut pilersorsinnaajunnaartillugit ingerlanneqassua? Immikkoortorta qarfik taama amerlatigisunik biileqassua? Immikkoortorta qarfik ilumut Tasiilami sisamanik bilissaqartinneqarpa? Tasiilami aamma ATV-qarlutillu snescootereqarpat? Qassit aamma sooq? Immikkoortorta qarfik nunatsinni qassinik umiatsiaateqarpa aamma sooq?

Immikkoortorta qarfik angallatit taakku nalikillilernerini ukiumut qanoq aningaasartuuteqartarpa? Kiap iluarsaattarpai? Angallatinik iluarsassissussanik sulisoqarpa? Immikkoortorta qarfik sooq taamaattunik sulisoqassua pisariaqartitsinermi sulisunik attartorsinnaallutik, aammalu sooq immikkoortorta qarfik iluarsassissussanik sulisoqassua namminersortut suliassanik taakkuninnga Nukissiorfimmut akikinnerusumik naammassisaqarsinnaangaluartut?

Demokraatit isumaqarput Nukissiorfiit tunniussinnaangisaannik innuttaasut ataasiakkaat nammineerlutik seqernup qinngornerinik tigooqqaavinnit erngulluunnit nukinganik nukissiamik ataavartumik pilersornissartik toqqarsinnaasariaqaraat, pisortallu kisimiillutik sunik tamanik pilersuisuusarnissaat, tamatigullu pisortat immikkoortorta qarfiisa pitsaanernik atugarisaqarlutik inuiaqatigiinni suliassat



tamaakkerlugit tigumminnittuusarnissaat naammassinnittuusarnissaallu eqqarsartariaaseq qimattariaqarparput.

Demokraatilli nukissamik imermillu pilersuineq akimut ersittuunissaanut Naalakkersuisut isumaqatigaat, aammalu nioqqutissiornermi akit akimut ersittuunerulertinnissaanut periutsit kiffartuussinissamut isumaqatigiisummiittut sakkussaasut eqqortut.

Nukissiorfiulli ingerlatsinermi sanna isiginiarneqrnissaa Demokraatinut pingaerneruvoq. Ullumikkut nunatsinni imaattussaannikkaluarpoq pisortat sullissiviutaat ilaat taamatut iluatatsinneqartingaluni suliffeqarfittut sinneqartoorutaasartutut ingerlanneqassasoq. Nukissiorfiit angallatinik soorlu ATV-nik, snescooterinik imaluunniit umiatsianik peqartussaataasussaannikkaluarpoq tassami namminersortut angallassinissamut suliassaq naammassisinnaanngaluarmassuk. Ullut pisortat suliffeqarfiutaannik allanit akikinnerusumik, nammassisaqarsinnaanerusummillu ingerlanneqartuusaarnerat qaangiuttariaqarlerput.

Naalakkersuisut immikkoortortaqarfiup nammassisaqarsinnaaneranik sannaatalu aningaasartuutaanik misissuititsissasut Demokraatit kissaatigaat. Minnerunngitsumillu sooq immikkoortortaqarfiup namminersortut sularisinnaasaaanik suliaqartassanersoq Naalakkersuisut isiginiartariaqarpaat. Tamanna inuiaqatigiinnut ingerlatsinermut aningaasartuutitut sipaarutaasinnaasungussaaq.

Taamatut oqaaseqarluta siunnersuut itigartipparput.